

INDONA AṬANGA HNEHNA



CHÂNGVAWN: “Aw mi duhawm tak, hlâu suh! Thlamuang takin awm rawh; chak la, a ni chak rawh!” (*Daniela 10:19*, NKJV).

SABBATH CHAWHNÛ

March 7

Chhiar Tûr: *Joshua 5:13–15; Ezra 4:1–5; Daniela 10; Rom 8:37–39; Efesi 6:12; Kolosa 2:15; Thupuan 1:12–18.*

DANIELA bung 10-a inlârna a hmuh hnukung sawi hawngin, bung 11 leh 12 thleng a sawi chhunzawm zêl a. A tîr aṭang rêngin hê inlârna hi ‘indona râpthlâk tak’ (*Daniela 10:1*) tia sawi a ni. Daniela 11-in tlêma fiah deuh zâwka a sawi zui laiin, Daniela 10 hi chuan thlarau lam thila lei leh vâ huapa inbeihna a nih thû a sawi zâwk a ni.

Hê bung kan zir hian, kan ṭawngṭai chângin lei leh vâ huapa indona nghawng nasa tak neiah hian kan tel vê a ni tih kan hmû ang. Hê inbeihnaah hian kan malṭan lo va, kan tân Isuan Setana chu min beihsak tawh a. Hê inbeihnaah hian mihringin thuneihna kan bei lo va, thimna thuneihnate kan bei zâwk a ni.

Daniela hun hnû kum za eng emawtia mi tirhkoh Paula chuan: “Kan buânte hi tîsâ leh thisen an ni sî lo, lalnate leh, thuneihnate leh, hê thim chung a khawvêl rorêltûte leh, vâ hmunahte thlarau sualho awmte an ni zâwk e,” tiin a sawi (*Efesi 6:12*, NKJV). Ni

e, kraws chung a Setana lo hneh tawhtu Isua Kristâ zârah chia hnehna kan chang thei dâwn a ni.

SUNDAY

March 8

Chawnghei leh Tawngtai, Tih Nawn

Daniela 10:1–3 chhiar la. Daniela thil tih eng nge kan hmuh nawn leh tâk?

Danielan sūna hun rei tak a hman chhan tak a târ lang lo va. Mahse, Babulon ațanga Palestina rama kîr leh ta, Judate dinhmun avânga țahnemngai taka dîlsak țawngțaina hun hmang ta a nih hmêl hlê mai.

Ezra 4:1–5 chhiar la. An rama an kîr leh khân Judaten eng chonate nge an hmachhawn tâk?

Ezra 4:1–5 ațanga kan hriat chu, khatih lai huna Judate khân tempul sak țat thû-ah dodâlna nasa tak an hmachhawn a. Samari mîten Persia rorêltûte hnênah an hêk a, chuwâng chuan lalin hnâ chu a tihtâwpsak phah ta a ni. Chutiang buaina kârah chuan Danielan chawlhkâr thum dîlsakna hun hmangin, hnâ chhunzawm lehtîr tûra Pathianin lal Kura thinlung a hnehsak chu a dîl a ni.

Khatih hun lai vêl khân, Daniela chu kum sawmkua vêla upa a ni tawh ang a. Mahni inngaihtuah lo vin, amâ mîte leh chona an hmachhawn mêk chu a vei zâwk a. Pathian hnên ațanga țawngțai chhâna a hmuh hmâ chawlhkâr thum chhûng chu țahnemngai takin a țawngțai a ni. Khatih chhûng khân, zâwlnei chuan a hmîng lekin, thih thlohah thil a ei a, thil tuihnâi lam eng mah a ei lo. Mahni nun nawmna leh lan dân lam a engto lo va; mahse, mêl sâng dana hlâ, Jerusalema a Juda-puite țatna tûr mawlh chu a vei zâwk a ni.

Daniela țawngțai nun kan enin, zirlai hlu tak tak zir tûr kan nei a. Pakhatnaah, kan țawngțaiin kan chhel tûr a ni a, a chhâna kan hmuh mai loh pawhin kan ti fan fan tûr a ni. Pahnihnaah, mi dangte

tâna ÷awng÷aisakna tûr hun kanzuât hrang tûr a ni. Mi dangte tâna ÷îlsaknaah hian thil eng emaw bîk tak hi a awm ÷hîn. Joba pawh kha ‘a ÷hianta tâna ÷îlsakna a hlan hnû kha chuan a thil chânte kha LALPAN a rûl leh’ (*Joba 42:10*, NKJV) a ni tih i hre reng ang u. Pathumnaah, ÷awng÷ainain Pathian chu thil tak tak eng emaw a tihtîr ÷hîn. I ÷awng÷ai fo ang u, ÷awng÷aina eng châ pawh hlân ÷hîn ila. Fiahna khirh tak te, harsatna namên lo tak leh chona lian tak kan hmachhawn lai pawhin ÷awng÷ainain kan phurrit chu Pathian hnênah i hlân ÷hîn ang u (*Efesi 6:18*).

Daniela 10:12 chhiar la. Hei hian ÷awng÷aina hi Pathian chungchânga ngaih÷hâa min siamtu a nihna âiin, thil eng emaw ti tûra Pathian chêt÷irtu a ni zâwk tih eng nge min hrih?

THAWHTANNI
Hotupâ Inlârna

March 9

Daniela 10:4–9 chhiar la. Heta Daniela chung a thil thleng chu eng nge ni?

Danielan a thil tawn a sawi a÷ang khân, a thil hmuh hmêl ropuizia kha suangtuah thiam hleihtheih pawh a ni lo. Mihring hmêl pû (*Daniela 10:5, 6*) tih hian inlârnaa vân rorêlnaa târlan tawh “Mihring Fapa” kha min hriat chhuatîr a (*Daniela 7:13*). A puanzâisîn silhfên khân puithiam inthuumna silhfên min hriattîr a (*Lev. 16:4*), a an deuh tûr chu vân biak bûk nêna inzawmna neia târlan “lalte Lal” kha a ni ang (*Daniela 8*, NKJV).

Rangkachak hian a lal thuneihna entîr tûra puithiam lal incheina a entîr a. Kâwlpê, mei leh dâr tle mî ang a nih bâkah, a âw thâwm ring tak hian vân lam mi chungchuâng a nihzia a entîr baw. Hetiang hi puithiam te, lal mi lian leh sipai lal inchei dân deuh a ni a. Jeriko khawpui beih dâwna Joshua hnêna rawn inlâr vân mî nêna pawh khân inan deuhna a nei baw (*Joshua 5:13, 14*). Joshua khân “LALPÂ sipai rualte Hotu” a hmû a nih kha. Hebrai ÷awng a sipai

hotu sawina chu ‘sar’ a ni a, hei hi Daniela 10:21-a Mikaela chungchâng sawi nân ‘hotu’ tih hman a ni. Chiang lehzualin Johanen Sabbath nâh tholeh LALPÂ inlârna chu a hmû a ni.

Daniela 10-a inlârnaa Pathian Fapa a hmuh dân leh khâng Joshua 5:13–15 leh Thupuan 1:12–18-a mîte inanna chu eng thilte nge ni?

Daniela sawi dân chuan, a bula awmten an hlâu va, an biru bo zo va, amah Daniela pawh a châu hnawk a, tahruì nei lo vin a awm a. Pathian chênchilhna chuan a hneh vêl êm êm mai a ni. Hlâu hlê mah se, Daniela inlârna hmuh kha Pathianin khawvêl thilthleng chungah thû a nei tih lantîrna a ni. Inlârna a lo lan fiah zêl laiin, Pathianin Daniela chu ama hun lai aţanga Pathian lalram dân a nih thleng a hmuhtîr a ni (*Daniela 11 leh 12*).

Daniela-a kan hmuh nawn tâk fo angin, LALPAN khawvêl thilthleng hi a thunun a nih sî chuan, kan mimal nun atân eng nge min tihsak theih ang?

THAWHLEHNÍ
Vântirkohin A Dek

March 10

Daniela 10:10–19 chhiar la. Vântirkohin Daniela a khawih apiang khân eng nge lo thleng thîn?

Vân êna kha a namên loh êm vângin zâwlnei chu a tlû a. Chutah vântirkoh chu lo kala rawn dekin, a thlamuan a. Vântirkoh khân tum thum ngawt a dek tih hria ila. A tawh tum khatnaah a dingin, vân aţanga thlamuanna thu lo thleng: “Hlau suh Daniel, i Pathian hmâa inngaitlâwm tûr leh, hre thiam tûra i thinlung i pêk tîr nî aţang khân i thûte chu ngaihthlâk a ni a, i thûte avâng chuan ka lo kal a ni,” tih chu a hre thei a (*Daniela 10:12, NKJV*). Daniela tawngtainain vân lam a chêtîr a ni. Hei hi keini tân pawh, kan

dîlnate Pathianin a ngaithla ʈhîn tih hriatna niin, buaina hun atân pawh a thlamuanpuiawm êm êm a ni.

A tawh ʈum hnihnaah Daniela a lo ʈawng thei ta a. Zâwlnei chuan Lalpâ hmâah ʈhû a sawi chhuak a, a rilru awm dân leh hlauhzia a sawi a: “Aw ka LALPA, inlârna avâng chuan ka lungngaihnhate chuan mi delh a, thahrui rêng ka nei lo va. Hê ka LALPÂ chhiahhlawh hian hê ka LALPA hi engtin nge a biak theih ang? Kei lah chuan thahrui rêng ka nei sî lo, ʈhâwk pawh ka la thei hek lo” (*Daniela 10:16, 17, NKJV*) tiin. Chutiang chuan Pathianin kan hnêna thu sawi chauh ni lo vin, kan rilru awm dân te, mamawhte leh rilru hlimnate a hnêna kan sawi theih nân kan kâte âng ʈûrin min duhsak a ni.

A tawh ʈum thumnaah chakna a lo nei leh ta. A chaklohzia Danielan a inhria a, vântirhkohin dekin, Pathian thlamuannain a ʈawng thlamuan a: “Aw mi duhawm tak, hlâu suh; thlamuang takin awm rawh; chak la, a ni chak rawh!” tiin (*Daniela 10:19, NKJV*).

Daniela ʈawngʈaina chhân nân vântirhkoh kha a hnêna tîrh a ni tih hre reng ila; hriatna leh hriat thiamna neihtîr ʈûrin a ni. ʈûna Jerusalem dinhmun buaithlâk a manganpui ʈawngʈai chhân nân leh fuih phûr nân Daniela 11-a inlârna thil thleng hi hmuhtîr a ni. Pathian kan lama a ʈan phawt chuan, harsatna hnuaiah pawh lungmuanna kan nei thei. Hmangaihna nêna min dehna zârah hmalam hun pawh beiseina nênan kan thlîr thei a ni.

“Keini mi narân tân pawh vân khi hnai tê a ni asîn.”—Ellen G. White, *Chatuan Nghahfâk*, p. 39. **Eng anga zingín nge vân leh lei hi inhnâi riâuva i hriat ʈhîn? I rilrua hê thutak hi i vawn rengín engtin nge i nun dân a lo danglam daih theih ang?**

NILÂINÎ
Inbeihna Nasa Tak

March 11

Daniela 10:20, 21 chhiar la. Eng thil nge Danielan hetah hian a târlan?

Vânlam thuchah kengtu chuan puanzâr chu kêi hlîmin, mihringte chanchin phêna lei leh vân huapa indona kal mêk chu a târlansak a. Daniela a tawngtai tan aţang khân vân leh lei kêa thlarau lam indona chu tan nghâl a ni a. Vân mîte chuan Persia lal chu Judaten tempul an sak hnâ chu chhunzawmtîr tûrin theihtâwp an chhuah a. Daniela bung 10 tîrah hian Persia lal chu Lal Kura a ni tih kan hre thei a. Mihring lal hian amah ngawt chuan vân lam mîte chu an dodâl tak tak thei lo. Hei hian mihring lalna phênah thlarau lam thawktû dingin, Lal Kura chu Judaten tempul an sak tâwptîr tûrin an lo nawr vê reng tih a lang a ni.

Chutiang deuh bawk chu Ezekiel a 28-ah a lo thleng a, chutah chuan Tura lal khân Setana âi a aw h a, ani chu kêa khawpuia mihring lal thlarau lam thuneihna entîrtu a ni. Tichuan, Mikaelan a rawn beih Persia lalte tihah khân Setana leh a vântirhkohte an tel tih hi mak kan ti lêm tûr a ni lo vang. Hei hian Jerusalem tempul sak tthat mihringin an dodâl naah khân, thlarau lam thila lo inhnammhawih an awm tih a entîr a ni.

Daniela 10:13 chhiar la. Eng ang indona chî nge hetah hian târlan lo ni le?

“Medo-Persia lalrama hotu lawkten Pathian mîte chung a duhsakna an lantîr loh nâna Setanan tan a lâk sauh sauh laiin, vântirhkohten saltâng chhuakte chu an lo tanpui vê thung a. Sual leh tsa indona hi vânin a ngaihven takzet a ni. Sual thiltihtheihna leh tsa thiltihtheihna inkâra indona a nasatzia chu zâwlnei Daniela hnên aţangin tlêm azâwng kan hre thei. Kâr thum tlawng, Gabrielan thim thiltihtheihna a do va, lal Kura rilrû chaw k buaitu chu lâk bosak a tum a. Hê indona a la kal mêk laiin, Gabriela tanpui tûrin Krista a lo thaw k vê ta hial a ni. “Persia ram hotu chuan ni sawmnhih leh ni khat mi dodâl a; amaherawhchu, ngai teh, Mikaela, hotu lian chu min pui tûrin a lo kal a, tichuan Persia lal hnênah chuan ka han awm ta a,”⁶ tiin Gabrielan a sawi. Pathian mîte tâna tih theih zawng zawng chu tih vek a ni a, a tâwpah

hnehna an chang ta rêng a. Hmêlmâ rualte chu Kura hun chhûngin danin an awm a, a fapa Cambyes-a, kum sarih leh a chanve a lal hun chhûng zawngin danin an awm bawk a.”—Ellen G. White, *Zâwlneite leh Lalte*, pp. 482, 483.

NINGÂNI

March 12

Hnehna Changtu Hotu Lian

Daniela bû-a mi langsâr ber chu “Mihring Fapa” (*Daniela 7:13*, NKJV) emaw “Hotu Lian” (*Daniela 10:13*) tih emaw chu a ni a. A hming pawh Mikaela a ni tih kan hre zui thuai a (*Daniela 10:12*), a awmzia chu “Tunge Pathian Ang?” tihna a ni. Ani chu Persia lal beihnaa Gabriela tanpui tûrin a lo thawk a (*Daniela 10:13*). Vântirhkohin vân mi “in hotu Mikaela” (*Daniela 10:21*) a tih hi, Pathian mîte puipa a ni. Mikaela tih hi Daniela bu hnung lamah Pathian mîte tâna ding chhuak anga sawi a ni (*Daniela 12:1*).

Juda 9 aţangan, Mikaela chu vântirhkoh chungnung, Setana dova Mosia kaithotu anga sawi a ni. Thupuan 12:7 chuan Mikaela chu vân sipai rualte hruaitu, Setana leh a vântirhkoh tlu tate hnehtu angin a sawi bawk. Tichuan, Mikaela chu tû dang ni lo vin, Isua Krista ngêi a ni. Persia Lalramin hotu lû a nei a, chumi phênah chuan thlarau lam sipai hruaitu a awm bawk a; chutiang bawkin Pathian mîte pawhin Hotu Lu, Mikaela chu an nei a, ani chu lei leh vân huapa inbeinaah dosak leh hneh tûra lo pên chhuak chu a ni.

Kolosa 2:15 chhiar la. Engtin nge Isuan lei leh vân huapa inbeihnaah hnehna a lo chan?

Sual sipaite kan hmachhawnin, kan tâna hnehna changtu Isuaah rinna kan ngat thei a. Ani chuan vântlâng rawngbâwlna a tan lai khân Setana chu a lo hneh tawh a. Thlalêra thlêmna hmanga a rawn beih pawhin a lo hneh tawh bawk a; thlarau bawlhhlawh

ruâl pawh dovin, thimna sipaite lakah mîte a chhanchhuak a. Petera hmanga Kalvari panna kawng pumpelh tûra thlêmna verther tak pawh Isuan a hneh a. A zirtîrte hnêna a thusawi hnuhnungah pawh, Isuan inbeihnaa a thihna lo thleng tûr chungchâng sawiin, chû chu a tâwp khâwk thlenga Setana a hnehna tûr a ni zâwk dâwn tih a hrilh a ni: “Tûnah hê khawvêl hi ngaihtuah lai a ni; tûnah he khawvêl lal hi paih chhuah a ni ang. Kei, lei atâ khâikânin ka awm chuan mi zawng zawng keimâ hnênah ka hîp ang,” (*Johana 12:31, 32, NKJV*) tiin.

Eng emaw châng chuan kan han hawi vêl a, thil hi ðha lo tak angin a lang ðhîn. Tharum thawhna te, bawlhhlawhna te, hlemhlêtna leh natnain hmun tin a chîm a. Hmêlma, tîsa leh thisen ni sî lo chuan râwng takin kil tin aţangin min bei a. Kan beih tûr indona chu lo khirh deuh pawh ni se, Isuan min dosakin, ani chu Hotu Lian leh vîn biak bûka kan Puithiam Lalber angin a ðing a ni.

Rome 8:37–39 chhiar la. Engtin nge hnehtu nihna thutiam chu kan Kristian nun ðheuhah a taka kan chantîr theih ang?

ZIRTÂWPNI

March 13

Ngaihtuah Zui Tûr: ”Kâr thum tlawng, Gabrielan thim thiltihtheihna a do va, lal Kura rilrû chawk buaitu chu lâk bosak a tum a. . . . Pathian mîte tâna tih theih zawng zawng chu tih vek a ni a, a tâwpah hnehna an chang ta rêng a. Hmêlmâ rualte chu Kura hun chhûngin danin an awm a, a fapa Cambyses-a, kum sarih leh a chanve lal, hun chhûng zawngin danin an awm bawk.”—Ellen G. White, *Zâwlneite leh Lalte*, pp. 482, 483.

“Vîn mi ropui chuan Daniela hnênah châwimâwina ropui tak a hlân a! A chhiahhlawh khûr zawih zawih chu thlamuânin, a ðawngţaina chu vînin a ngaithlâ tih a hrilh a. ðhahnemngai taka a dîlna chhân nân Persia lal thinlung hmin tûrin vântirhkoah Gabriela tirh a ni ta a. Lal khân Pathian Thlarau

sâwmna chu chawlhkâr thum chhông a dodâl a, chumi chhông chuan Danielan chawnghei-ṭawngṭaina a nei a; mahse, vâ lam Hotu Lian, Vântirrhkoh Chungnung, Mikaela chu lal luhlul tak thinlung her danglamsak a, Daniela dîlna anga chhông tûra thutlûkna siamtîr tûrin a lo thawk a ni.”— Ellen G. White, *The Sanctified Life*, p. 51.

Sawi Ho Tûrte:

- ❶ Keini hi Kristian chanchina hê thutak hmu hmasatûte kan ni lo nân, keini Seventh-day Adventist-te hi Krista leh Setana kâra “Indona Ropui”châwilârtu kan ni. Hê indonaah hian kan tel vê vek tih kan ring a. Khawvêl mîte pawhin kan zâ hian indona engah emaw chuan kan inhnamhnawih theuh angin an sawi vê bawk. Indona Ropuia nangmâ nuntawng chu eng nge lo ni vê? Engtin nge nangmâ nunah a lo lan chhuah thin? Harstna tâwk vê mêk mi dangte ṭanpui nân eng thil nge i zir chhuah?
- ❷ Efesi 6:10–18 chhiar la. Paulan sipai awm dân ngaihruatna a sawi hi chhinchhiah la. Indona Ropuia ‘râl rêl dân’ eng chu nge min pêk?
- ❸ Daniela 10:11-ah, Daniela kha *hamudot*, emaw “duhawm”emaw tih a ni a. Hei hian vâ leh lei inzawm hnaih dân chungchâng eng nge min hrilh? Pathian awm ringlo hote ngaih dân nê chuan a inpersan hlê thung a. Heta kan hmuh anga Daniela chungchâng Bible thlîr dân hian eng beiseina nge min siamsak?

* * *